



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателєй, котры не вплатили ище пренумераты, просиме выровнати якнайскорше рахункы.

Также просиме присылати членскы вкладкы до Лемко-Союза.

Кто хоче достати иллюстрованый **Календар** „Лемка” на 1936-ой рок, нехай присылат якнайскорше гроши.

Ціна одного календара выносит **50 гр.** При замовленях 10 календарей покрыват редакция оплату почтову.

Пренумерата в краю:
30 грошей місячно,
80 „ „ квартално
1:50 „ „ пѳлрочно,
3 зл. рочно.
В Амерыці: 1 дол. рочно.
В Чехословакии:
2 кор. місячно, 10 кор. пѳлрочно,
20 кор. рочно.
Конто чекове Нр. 404.155.

Обще Собранє членов Лемко-Союза.

В двох попередных числах Лемка и в теперешном єст поданый цілый статут Лемко-Союза. Подано тот статут прото, штобы: 1) всі читателї сами могли виробити собі суд о наміренях и роботї членов Лемко-Союза, 2) члены знали перед Общим Собранєм свои права и обовязкы.

По приписам статута Обще Собранє членов отбуде ся в неділю, дня 22. грудня 1935 о год. 10. в Горлицях в помещеню Руской Бурсы.

Програма дня слїдуюча:

- 1) Открытє Собраня и выбор презыдии на час Собраня.
- 2) Доклад с діятельности правленя за рок 1935.
- 3) Доклад касовый.
- 4) Уділенє абсолютории.
- 5) Дополнительный выбор правленя.
- 6) Выбор Контрольной Комисии.
- 7) Обсужденє религиозных діл в звязи с назначенєм Апостольского Администратора.
- 8) Обсужденє школьных діл.
- 9) Уложенє програмы работы на рок 1936.

По приписам статута на Общем Собраню не можна ставляти внесень (арт. 9. статута) не обятых дневном програмом, прото просит ся всіх членов, єсли мают даякы внесеня поза высше вычисленыма ділами, прислати тоты внесеня на 7 дней перед собранєм, штобы можна было предложити их Общому Собраню до рішеня.

На Собраню буде ся обсуждати важны діла, бо діла религиозны, школьны и кооперативны — тому просиме не жалїти труда и явити ся численно в назначеный час. Писемных запрошень на собранє не буде ся розсылати. В собраню могут приняти участь лемчлены Лемко-Союза, котры вплатили членску вкладку за 1935-ый рок (2 зл.). Кто до тепер не вплатил членской вкладкы,

а хоче прихати на собранє, нехай зробіт того на 7 дней перед собранєм.

Процес в ділі убийства бл. п. мин. Перацкого.

Дня 18. т. м. начал ся перед окружным судом в Варшаві процес в ділі убийства министра Перацкого. На лаві подсудимых засіли:

Стефан Бандера, 26 л. студент львовской политехники.

Николай Лебедь, 25 л. абсольтент гимназии во Львові.

Дария Гнатківска, 23 л. абсольтент гимназии во Львові.

Ярослав Карпынец, 30 л. студент универсытета.

Николай Климишин, 25 л. студент универсытета.

Богдан Підгайный, 31 л. инженер.

Иван Малюц, 25 л. студент львовской политехники.

Яков Чорный, 28 л. студент универсытета.

Евген Качмарский, 25 л. бывший ученик 5-той кл. гимн.

Роман Мыгаль, 24 л. студент универсытета.

Катарина Зарицка, 21 л. студент львовской политехники.

Ярослав Рак, 27 л. апликант адвокатский со Львова.

Сут они всі оскаржены о того, же або приготовляли напад на бл. п. министра Перацкого и помагали в єго выконаню, або ховали у себе по нападї убийцу и помогли єму утечи за границу. Головного виновника убийства, т. зн. того, котрый стрїлами с револьверу убил пок. министра нїт медже подсудимыма. Он, як сказали в часї слїдства подсудимы: Катарина Зарицка и Ярослав Рак, перешол коло Ворохты через чехославацку границу. Называт ся он Григорий Мацєйко, котрого называно в О.У.Н. „Гонта”.

Боронят подсудимых: Д-р Горбовый, д-р Александер Павенский и д-р Лев Ганкевич, адвокат со Львова.

Акт обжалованя подає масу цікавого материяла, освїтляючого ціли организации О. У. Н., способы борбы и средства на борбу. С акту обжалованя выходит, же цілом организациом руководил штаб, жиющий в Німеччині с Коновальцом во главі. Штаб тот распоряджал великыма сумами грошей, якы доставал от Німеччины и Литвы и мал свои отділы в многих державах. Особенно Литва дає в послїдних часах великы сумы на поддержанє той организациии. Самовластным распорядителем тых фондов єст Коновалец, котрый вызначат пенсии своим членам. В р. 1933. Коновалец перезначил на саму всходну Галичину суму 81.500 зл. Крім того присылаю также гроши на кошты процесовы и други незвычайны росходы. Члены организациии О. У. Н. доставали стале пенсии. Коновалец выначил собі пенсию 150 нездевалюованных доляров місячно и diety за выїзды.

Подсудимы в слїдствї боронили ся слабо. Много с них старали ся робити с себе невинны жертвы организациии, с котром они не годили ся (але гроши от ней брали) и уважали ю за шкодливу.

Як будут боронити ся на самом процесї, донесеме в слїдуючом ч. Лемка.

Кым єст убийца мин. Перацкого.

Убийца Григорий Мацєйко ур. в р. 1913. в Щирці. Отец єго єст работником. Два єго брата сут слабо розвинены. Он сам окончил 7-кляс. школу народну и 3-літний курс фаховой школы вечерной в ділі металевым. От р. 1929. жил во Львові, робячи в заведеню цинко-литографичном Марьяна Чучмана. В жолні 1933. был арестованный, але єго выпущено.

Мацєйко был скрытый и маломовный, але розвиненый. Занимал ся спортом.

В маю здраждал поденервованє и наконец

счез со Львова, помимо, же урляпу не достал, хоц о него просил. Забрал часть своих річей и выїхал. В липні вертат до Львова, в часі отсутствия домашних забераєт всі свои річи и втіче до Чехословакии.

С военного фронту в Афрыці.

На всіх военных фронтах дошло в минувшом тыждні до завзятых боєв. Абисынскы войска, котры давнійше отступали одну позицию за другом, ставляють тепер завзятый опор и отберають часом забраны уж италиянами позиции.

На полнотном фронті припустили италиянскы войска сильной атак на місцевость Мамоссе недалеко Амба-Аляджи, где находил ся великий обоз абисынскый. Атак и оборона были завзяты и страшны. Помимо страшной масакры, яку урядили ескадры италиянских самолетов, воєвники абисынскы боронили ся до остатка, острілюючи врага. По оконченом бою пришли новы отділы войск в цілі забраня и погребеня убитых. Через 8 годин гребано убитых, причом в одну братню могилу кладено по 50 убитых. В Макалі италиянскы войска окопуют ся нагвалт, бо боят ся атаку со стороны абисинского войска, котре в великом числі зближат ся от стороны Дольо, віроятно с наміренєм ударити на италиянов. На зустрічу тым войскам вирушили с Макалі сильны отряды италиянских войск.

На полудневом фронті місто Дагабур находить ся знова в руках абисынских, котры по кырвавых боях отперли всі италиянскы атаки.

Килькадесятох абисынских вояков зголосило ся на охотника и шмарило ся с позициями на засікы с кольчатого дрота, котры были обороном позиций италиянских. Всі, як оден, были убиты огнем машинных карабинов, але помимо того перізали засікы и понищили так, же поднятій абисынчиками атак отдал италиянскы позиции в их

руки. В ночи италияны осем раз пробовали отобрати тоты позиции, але даремно. Высланы на помоч чолгы угрызали в болоті.

До Лондона пришли с Аддис-Абебы вісти о револьті населеня в околиці Макалі против италиянам.

Молочарство на Лемковщині.

Согласно с постановленєм информационного собраня в ділі основаня молочарской сїти на Лемковщині, яке отбыло ся во Флорынці дня 3. листопада т. р. выслал Лемко Союз своєго делегата в Краков в цілі ознакомленя ся с возможностями переведеня того діла.

Высланный делегат перевел дня 22-го того місяца конференци с воєводскыма кругами, с дыректором Державного Банку Рольного, с Палатом Рольным и Правленєм „Rewizyjnego Związku Spółdzielni rolniczych i gospodarczych“ и узнал слідуєче:

1) Промысл молочарскый до тепер не ест ище промыслом концессионованым. Можна так, як до тепер закладати молочарскы кооперативы, реєстровати их в суді и начинати молочарску діяльність. Ест однак ухваленый новыи закон о молочарстві и в силу того закона, котрый ище не обовязує, стане ся молочарство промыслом концессионованым.

2) Ест уж зроблений проєкт переведеня молочарской сїти на терені повітов лемковских, належачих до Краковского Воєводства. В проєкті том фигурують на лемковском терені лем дві місцевости, перезначены на молочарскы осередкы, а именно в пов. новосандецком Лабова и в пов. горлицком Усте Руске, або Смерековец. В давном повіті грибовском наміряють основати молочарню лем в Грибові, а в пов. ясельском в Жмигороді. Крім того ест в проєкті утворити консумційну молочарню в Крыниці-Здрою.

Делегат Лемко-Союза заявил, што проєктowana сїть молочарска не заспокоит потреб лемковского населеня, звернул увагу

на велике отдаленє от себе поодынокых центров молочарских, на брак тых центров в бывшом повіті грибовском (в долині рікы Білой), в полуднево восточной части пов. горлицкого и в повіті ясельском и поставил внесенє основати молочарскы центры крім тых, котры обняты сут уж проєктом, также во Флорынці пов. новосандецкого, в Незнаєві, Устю Руском и Смерековци (а не в Смерековци, або Устю Руском) пов. горлицкого и в Святкові пов. ясельского.

Справу тоту має ся рішити на місци. В той цілі приїде нарочна комиссия зложена с делегатов Министерства Рольного, Палаты Рольной, Воєводства и Ревизийного Союза до Нового Санча, Горлиц и Ясла в цілі дефинитивного уложеня молочарских сїтей. Комиссия тота буде розсматрювати молочарскы діла в Окружных Товариствах Рольных в терминах: 1) в Новом Санчі дня 25-го листопада, 2) в Горлицах дня 26.XI, 3) в Яслі дня 27.XI. т. р.

Перед приїздом той комисии треба доконче, штобы наши люды переговорили с Окр. Тами Рольныма и приняли участь в назначеных высше конференциях. В пов. горлицком и ясельском поручаєме допильновати тоту справу д-ру Я. Сьокалі.

Така сама акция веде ся также на терені воєводства львовского. О ході той акции могут узнати наши люды в соотвітных Окружных Т-вах Рольных. Правленє Лемко-Союза поручат допильновати тоту справу 1) в Коросні — д-ру Возняку, 2) в Сяноці мгру Осифу Перелому 3) в Лєску нотару Телесницкому.

Справа ест важна, бо от ей уладженя зависит материяльный быт наших гор, тому просиме высше названых не жаліти труда и живо интересовати ся розвитєм молочарства на Лемковщині.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“

Делегаты-администраторы робят засіданя што дві неділі в цілі взаимного порозумленя ся в ділі веденя цільной акции.

Арт. 17.

Репрезентация Союза:

Предсідатель со секретаром, або их заступники репрезентуют Товариство навні.

Всі оголошеня, мемориялы и документы Союза должны быти подписаны предсідателем, секретарем, або их заступниками.

Арт. 18.

Комисия контрольная:

Комисия контрольная, котру выберат каждого року Обще Собранє, складат ся с 5-ох членов.

До важности рішень выстарчит 3-ох членов. Комисия выберат с помедже себе предсідателя сейчас по Общ. Собраню. Комисия контрольная провірят финансову діяльність Правленя и предкладат Общ. Собраню внесеня о уділенє Правленю абсолютории.

В случаю уступленя члена комисии, має она право кооптации.

Арт. 19.

Суды полюбовны:

В разі незгоды медже членами так Правленя, як и поодынокыма членами Союза, повсталой с діяльности членов, або их обовязка, рішат справу суд полюбовный. Каждая сторона выберат одного судю, а суді выберают суперарбитра. Если бы относи-

тельно особы суперарбитра не было згоды, рішат льос.

Арт. 20.

Средства материяльны Союза:

В цілі выполнения обовязков, наложеных статутом, а также в цілі удержаня до того потребной администрации поберат Союз от своих членов місячны вкладкы.

Поза тым для увеличеня средств материяльных принимат Союз доброохотны даткы, записы, а также уряджат публичны зборы за позволенєм властей.

Місячна вкладка от членов интеллигентов выносит 1 (оден) злотый, от селян и работников 0.10 зл. (10 грошей) от кооперативов и кас по 5 (пят) злотых.

Арт. 21.

Лемковскый Союз, яко Общество, мєюче на цілі поднести народне, культурально-просвітне и економично-господарче жите Лемковщины, не стремит до капитализации своих доходов, а на оборот 3/4 части доходов, які останут по уплаті всіх выдатков перезначат Союз на школы, бурсы, библиотеки, издавництва газет, книжок, брошур, и уділяєт запомог для бідных и сирот по членах Союза. а 1/4 часть лишат, яко т. зв. фонд резервный в цілі утвореня и удержаня материяльной основы Союза и єго развитя. Закупленє недвижимого маєтка ест лем втотчас дозволене, если недвижимоности тоты будут служити для поміщеня школ, бурс, захыстов для сирот, для власной потреби администрацийной, для основаня курсов промысловых и господарчих.

(Доконченє на ст. 3-ой).

ПО ОБЩЕМ СОБРАНИИ ЧЛЕНОВ ЧИТ. ИМ.
М. КАЧКОВСКОГО В КРЫНИЦІ.

Дня 27. жолтня т. р. отбыло ся обще собрание членов чит. им. М. Качковского в Крыниці-Селі.

Собрание открыл председатель читальни г-н Тома Живицкий и на его предложение выбрано председателем на час собрания д-ра Ореста Гнатышака, который покликнул на секретаря г-на Александра Ропицкого. Д-р Гнатышак представил собранным значение и цель читальни, котры являют ся народным университетом, где люди мают возможность поширити свои знания и провести мило свободный час. Штобы однак народна работа развивала ся правильно в читальни, мусит она мати свой власный куток, свое помещене, в котром было бы и мило и тепло и где нашол бы каждый добру газету и книжку до перечитаня. Бесідник заохочуе адже собранных до будовы власного читальняного дому.

Приступаючи до очереди дневной председатель уділят голос секретарю уступающего выдѣла, котрый складат справоздане с деятельности за минувший рок, потом вывязуе ся оживлена дыскуссия, в котрой забирают голос г-жа Яновицка, Ропицкий, Трохановский, Г. Громосьяк и други. Наконец рішено уділити уступающему выдѣлу абсолюторию и подяковати ему за положены над розвитем читальняного жита труды, причом подчеркнено сильно положеный г-ном Алекс. Ропицким труд над вышколенем мішаного хора, котрый рознес широко славу крыницкой читальни. За тот труд належит ся щире подяковане и полна признательность.

По выслуханю касового доклада уділено абсолюторию и приступлено до выбора новото выдѣла, в склад котрого вошли: Алексий Громосьяк, яко председатель, Ваньо Цихонь (вмісто председатель, Конст. Трохановска (секретар) Павел Вислоцкий (касиер) Семан Кусик (библиотекар) Мария Петрык и Васко Артим (заступники). До контрольной комиссии выбрано Емилию Яновицку, Надежду Копыстьянску и Аполинария Ворону.

При конци собрания рішено взяти ся енергично до работы и начати с весном будову власного дома, Рішено также устроити зи-

мушны курсы пасічництва, яриноводства и садоводства и продолжати ведене оркестра и хору, а также оживити деятельность в театральном кружку.

Выдѣл Повітовый в Новом Санчі
До Ч. II-11-1/35.

О Г О Л О Ш Е Н Ё.

На основі приписов арт. 25. и 26. зарядження Президента Річипосполитой Польской с дня 16. лютого 1928. • праві будовляном и забудованю осель (Дн. З. Р. П. Нр. 23. поз. 202.) Выдѣл Повітовый в Новом Санчі подае сым до відомости, же приступил до приготвления плану регуляційного и забудованя части обшару громады міста Мушина — ограниченого:

1) От полудневого всходу от місца, где сходит ся межа парцелі означеной ч. кат. 916. с корытом рікы Попрад, оттамаль лівым берегом рікы Попрад вниз аж до парцелі означеной ч. кат. 1106, положеной на западной стороні обнятого пляном забудованя обшару.

2) дальше, от полудня лениом простом, поведеном от місца перерізання ся лении граничной меже парцелями ч. кат. 1130 и ч. кат. 1106 и лівым берегом корыта рікы Попрад — до місца перерізання ся лении граничной меже парцелями ч. кат. 315 и ч. кат. 316.

Пространство высше описане обнимат около 50 гектаров землі.

Проект пляна забудованя буде выложеный до публичного перегляда в канцелярии начальства міста в Мушині в часі от дня 4. листопада 1935 до дня 18. листопада 1935. в годинах от 9-той до 14-ой каждого дня.

В том часі и в слідующих днях аж до дня 25. листопада 1935. включно, заинтересованы могут зголошати внесены относительно пляна забудованя на писмі, або до протокола.

Термин поновного выложения пляна по ухвалению его через Раду Городску в Мушині и Выдѣл Повітовый в Новом Санчі буде поданный погодивше.

В часі приготвления пляна забудованя на пространстві высше вычисленом будут обо-

вязовати переписы арт. 39, 40, 41 и 42 зарядження Президента Річипосполитой Польской с дня 16. II. 1928. (Дн. З. Р. П. Нр. 23. поз. 202).

Председатель Повітового Выдѣла
Д-р М. Лах,
Повітовый Староста.
Новый Санч, дня 29. жолтня 1935.

О Г О Л О Ш Е Н Ё.

До Министерства Внутренних Дѣл, а также до Министерства Войны приходят масово поданя в ділі отписаня, або обниженя основного податка войскового.

Понеже против вымѣрови основного податка войскового прислугуют платникам согласно с приписами § 16. зарядження Рады Министров с дня 24. серпня 1931. р. (Дн. З. Р. П. Нр. 89. поз. 697.) правны средства, вычислены в арт. 48 и 50 закона о провизорычном урегульованю коммунальных финансов (Дн. З. Р. П. с року 1932. Нр. 106. поз. 884.), а признаване податковых льгот прислугуе согласно с арт. 20 покликаного зарядження Рады Министров начальствам громад городских и сельских, прото высылане подань в ділі основного податка до центральных властей, не лем, же не дае пожаданных результатов, але наоборот перевлекат уладжене тых подань, бо Министерство Войны всі того рода поданя пересылат Министерству Внутренних Дѣл, яко не относячи ся до компетенции войсковых властей.

Министерство Внутр. Дѣл отсылат тоты паданя в дорозі инстанции до властей, предвидженных в § 16 (откликания) або в § 20 (просьбы о податковы льготы), котры то власти рішают окончательно в ділах основного войскового податка.

ЦИ ЗАМОВИЛИ ВЫ УЖ
КАЛЕНДАР ЛЕМКА
НА 1936 РОК?
ЕСЛИ НІ, ТО ЗРОБТЕ ТОТО,
ЯК НАЙСКОРШЕ!
КАЛЕНДАР КОШТУЕ ЛЕМ ВСЬОГО
50 грошей.

Арт. 22.

До приниманя им. Союза собовязань маетковых, обтяжующих текучи доходы Союза и движимый маеток, потреба лем рішена Правленя, а до обтяженя недвижимого маетку потребне ест рішене Общого Собраня, приняте 3/4 голосами присутных членов.

Арт. 23.

Змінити статут Общества можна лем на внесене Правленя або также на внесене штотнаименьше 20-ох членов Общества, зголошене перед Общим Собранем Правленю. Рішене о зміні статута мусит запасти на Общом Собраню 2/3 голосов присутных на Собраню.

Арт. 24.

Розвязане Союза:

Доброохотне розвязане Союза може послідовати лем на внесене Правленя на нарочно в той цілі скликаном Собраню, на котром мусит присутствовати 3/4 членов и рішеня западают 3/4 присутных голосов.

В том случаю Обще Ообрание постанавят, на яку цізь має ся обернути маеток Союза.

В случаю розвязаня через власти, маеток переходит на власность русских бурс в Сяноці и Горлицах по половині, если в продолженю одого року не повстане нове Общество о подобных цілях.

Горлицы, дня 15. марта 1934 р.

Д-р Гнатышак Орест м. п., Михаил Музычка м. п., Емануил Мокрицкий м. п., Перелом Осиф м. п., Войтович Теодор м. п., Методий Трохановский м. п., Констанция Трохановска м. п., Николай Юрковский м. п., д-р Сьокало Ярослав м. п., Василь Малецкий м. п., Стефан Цюрык м. п., Бодак Константин м. п., Федорчак Емалиян м. п., Семан Валевский м. п., Осиф Валевский м. п.

Urząd Wojewódzki Krakowski, Wydział Bezpieczeństwa.
L. B. P. V|1|G|2|34. Na mocy decyzji Wojewody Krakowskiego z dnia 23|8|1934. L. B. P. V|1|G|2|34., wydanej na podstawie art. 21. prawa o stowarzyszeniach z dnia 27.X. 1932 (Dz. U. Rz. P. Nr. 94. poz. 808.) wpisano do rejestru stowarzyszeń i związków Krakowskiego Urzędu Wojewódzkiego pod Nr. 103. stowarzyszenie pod nazwą: „Łemkowski Sojuz“ z siedzibą w Gorlicach. Kraków, dnia 26 października 1934 Za Wojewodę: Mgr. Małaczyński, Naczelnik Wydziału Bezp. Publ.—K. S. — pieczęć: „Krakowski Urząd Wojewódzki“. Stempel za 5 zł.



Што чути в світі.

Париж: На французской Ривиєрі померла велика княжна Анастасія, вдова по великом князі Николаю Николаєвичі, начальном вожді російських військ в часі світової війни. Покойна прожила 72 л.

Атени: До Венизельоса звернувся б. грецький посол в Парижі Ромос і б. міністер заграничних діл Руфос і пропонував йому угоду медже республіканцями і новим монархистичним порядком в Греції. Венизельос заявив, же республіканці могли бы на пробу терпіти теперешній режим, если бы король Юрій привернул констытуційны свободы и оголосил амнестию для участников мартовой револьты.

Льондон: Англицькі газети доносять о ведених переговорах медже Англиом и Совітами о товарну позичку для Совітов в висоті 20 милионов фунтов стерлингов (520 милионов злотых).

Берлин: До Берлина нашла сензацийна вість, же Кытай мал подписати военный трактат с Совітами, против Японии. Договор подписали амбасадор Богомоллов и генер. Блихер, шеф армии Далекого Востока. Договор обнимат: 1) Военне сотрудничество на случай войны против Японии, або Манджурии. 2) Россия не буде вести комунистичну пропаганду в Кытаю. 3) Россия побудує дороги и желізниці на полнотном-всході Кытая. 4) Кытай узнає права России до отбитя Манджурии. 5) Внутренна Монголия має перейти под протекторат России.

Віден: В Болгарии и Югославии назначилась в послідных часах акция, котра стремит до федерации медже Болгарии и Югославии.

Москва: В России привернено знова рублі. Рада Комисаров выдала декрет о стабилизации рубля по курсі 3 франки французскы. Нова валюта єст оперта на золоті. Декрет обовязує от 1 січня 1936 р.

В Берліні кружат вісти, же королеви грецкому Юрию предложено отдати остров Цыпр Греции за певны уступства в користь англицькой флоты.

Париж: Англицький амбасадор в Парижі Клерк перепровадил важну конференцию с министром Лявальом, на котрой рішили приготовить проект оконченя войны в Абисинии. Проект тот маюť предложить Италии, Абисинии и Лигі Народов.

Каиро: В цілом Египті панує велике порушенє. Дня 21.XI. оголошено генеральный штрайк. Египетскы власти предприняли всякы міры осторожности. На улицах громадають толпы населеня. Полиция достала приказ розганяти толпы, але без ужитя пального оружия. Студенты начали розрухы, в часі котрых потурбовали 6-ох полицянтов.

Во Франції начался дня 18.XI. процес против тром Хорватам: Райчови, Кральови и Поспишильови, котрых оскаржено о участь в убийстві короля Югославии Александра и французского министра заграничных діл, Барту.

Рим: Велика фашистowska Рада заявила, же дата 18 листопада 1935. буде записана в истории, яко дата ганьбы и несправедливости, бо в том дні старано ся понижити италянскый народ и перешкодити єму в реализации житєвых пѳтреб. Народ италянскый осуджат остро санкции, до того часу николи ище не приміняны.

Цисар Абисинии выїхал дня 19.XI. с Аддис Абебы на фронт на самолєті. Он поїхал до головной кватеры абисинской в Дессие.

Дня 15. листопада 1935. оголошено независимость Филипин, котры начинают свой политичный быт по перешло 400-літної зависимости от других держав. Передом належали Филиппины до Испании, а от 1898. р. до Сполученых Держав Полн. Америкы. Першим президентом Филипин выбрано Мануила Кверона, представителя католицькой опинии.

Заграничны газети подають, же на потонувшом кораблі „Люзитаня“, котрый тепер отнайден на дні морском, находить ся миллиард французских франков в золоті, дороги камені, вартости 700 милионов франков, дві скриньки с дорогыма каменями, котры належали до индийского магараджи, а также величезный 80-каратный брыльянт, котрый належал до одной американкы.

Мадрид: В Испании затруло ся муком перешло 5000 людей. Як ся оказалось позднійше, до муки додавано олово.

Вісти с краю.

Во Львові появила ся нова украинска газета: „Украинскы вісти“. Газету выдає бывший посол Палиєв, предводитель теперешных лівых украинцов.

Варшава: Рада Министров на засіданю дня 15.XI. приняла окончательно цыфры доходов и выдатков на р. 1936-37 и привяла цілый бюджет совсем реальный и бездефицитный. Глобальная цыфра доходов выносит 2.237.171 тысяч зл., а цыфра выдатков 2.237.121 тысяч зл. Лишат ся аджек мала надвыжка доходов над выдатками, котра выносит 50.000 зл.

Льготы при выкупні патентов. Властителі ремесельничих варстатов, котры выкупають патент VIII. категории, будут освобождены от купна отдільных патентов торговельных для продажи своих вырбов на рынках в часі ярмаков.

Варшава: Дня 20.XI. на засіданю экономического комитета Министров были роздуманы проекты декретов и заряджень загально-господарчих. Была порушена справа пониженя картельовых цін и справа пониженя тарыфы желізнодорожной на перевоз гольных продуктов.

Варшава: С Ватыкана доносять, же на тайном консысторі, котрый отбуде ся 16. грудня будут затверждены номинации 20 кардиналов, серед котрых находить ся также нунций в Варшаві, архиеписком Мармаджи.

Варшава: В Дневнику Законов Р. П. был опубликованый декрет Президента Р. П. с 16 т. м. в ділі выконаня 16-ого статута Лиги Народов (приміненє санкции против Италии). Декрет обовязує от дня 18. листопада т. р. и стратит обовязуючу силу в терміні, котрый буде назначеный новым зарядженєм Рады Министров.

Гдыня: В заливі пуцком появили ся величезны числа дикых птахов, переважно дикых качок с далекой полночи. Рыбакы припусують тому явленю зиму остру.

КТО ХОЧЕ ЗАБЕЗПЕЧИТИ СЯ
НА СТАРОСТЬ, АБО ЗЛОЖИТИ ДІТЯМ
ПРИДАНЕ, НАЙ

заасекурує ся
в Асек. Товаристві
Вита и Краковске
во ЛЬВОВІ

В ЗИМІ ОТБУДЕ СЯ В КРЫНИЦІ СЕЛІ

курс ткацкый

Оплата за науку на курсі выносит 2 зл. Участники курсу не достають помещеня и удержаня. Курсанты мусят приготовить льняну, або волняну пряджу. Мусят они обовязати ся перестерігати рыгор школьный.

Зголошеня принимат администрация газеты Лемко в Крыниці.

Важне для читалень и аматорских кружков!

В КРЫНИЦІ-СЕЛІ ОТБУДЕ СЯ ДВО-МІСЯЧНЫЙ

КУРС ДЫРЫГЕНТОВ ХОРОВ.

Курс начне ся 1. грудня т. р. и обийме теорию и практику потребну до веденя аматорских хоров. Буде учить ся также церковного співу.

Оплата за науку на курсі выносит 20 злотых. Курсанты с инших сел достанут помещенє, без удержаня. Удержанє мусят покрити сам курсант.

Кромі того устроює ся в том самом часі также

ВЫСШИЙ КУРС

для тех, котры уж в прошлом року окончили курс низший. Оплата за курс высший выносит 25 злотых.

Зголошеня принимат
г-н Александер Ропицький в Крыниці Здрою
вила „Юранд“